

Na osnovu čl. 27. i 29. tačka 2. Zakona o lokalnoj samoupravi – prečišćeni tekst ("Službene novine Kantona Sarajevo", broj 22/00), čl. 53 i 55. tačka 2. Statuta općine Ilijaš-prečišćeni tekst ("Službene novine Kantona Sarajevo", broj: 20/09) i čl. 12. i 99. Poslovnika Općinskog vijeća Ilijaš ("Službene novine Kantona Sarajevo", br.: 2/10 i 18/15), Općinsko vijeće Ilijaš na svojoj IX sjednici održanoj dana 30.05.2017. godine donijelo je

**O D L U K U**

**o izmjeni i dopuni Odluke o visini naknada vijećnicima, članovima stalnih i povremenih radnih tijela Općinskog vijeća Ilijaš**

**Član 1.**

U članu 2. stav 1. Odluke o visini naknada vijećnicima, članovima stalnih i povremenih radnih tijela Općinskog vijeća Ilijaš ("Službene novine Kantona Sarajevo", br.: 41/07, 7/10 i 44/13), dodaje se alineja 4. i glasi: "Naknada vijećniku koji ostvaruje pravo na odgovarajuće dobrovoljno socijalno osiguranje (zdravstveno i penziono), jer isto ne ostvaruje po drugom osnovu, isplaćuje se na osnovu rješenja za tekuću godinu, koje donosi nadležni organ za penziono i zdravstveno osiguranje".

**Član 2.**

U članu 3. dodaju se stav 2. i stav 3.

Stav 2. glasi: "Vijećnik koji ostvaruje pravo na odgovarajuće dobrovoljno socijalno osiguranje (zdravstveno i penziono), jer isto ne ostvaruje po drugom osnovu, dužan je dokaz o izvršenoj uplati za zdravstveno i penziono osiguranje dostaviti Stručnoj službi Općinskog vijeća i općinskog načelnika do 15. u mjesecu za tekući mjesec, u suprotnom vijećniku će biti obustavljena uplata".

Stav 3. glasi: "Vijećnik pravo na dobrovoljno socijalno osiguranje (zdravstveno i penziono) ostvaruje počev od prvog narednog mjeseca od dana podnošenja zahtjeva do zasnivanja radnog ili ugovorenog odnosa ili do prestanka ili isteka mandata".

**Član 3.**

Ova Odluka stupa na snagu danom donošenja, a ista će biti objavljena u "Službenim novinama Kantona Sarajevo".

Broj: 01/1-02-\_\_\_\_\_/17.  
Ilijaš, 30.05.2017. godine

Predsjedavajući OV-a Ilijaš

---

Mahir Dević, prof.

## OBRAZLOŽENJE

Pravni osnov za donošenje Odluke o izmjeni i dopuni Odluke o visini naknada vijećnicima, članovima stalnih i povremenih radnih tijela Općinskog vijeća Ilijaš, sadržan je u čl. 27. i 29. tačka 2. Zakona o lokalnoj samoupravi – prečišćeni tekst ("Službene novine Kantona Sarajevo", broj 22/00), čl. 53 i 55. tačka 2. Statuta općine Ilijaš-prečišćeni tekst ("Službene novine Kantona Sarajevo", broj: 20/09) i čl. 12. i 99. Poslovnika Općinskog vijeća Ilijaš ("Službene novine Kantona Sarajevo", br.: 2/10 i 18/15).

Shodno naprijed navedenom, a u skladu sa čl. 48. i 113. Poslovnika Općinskog vijeća Ilijaš ("Službene novine Kantona Sarajevo", br.: 2/10 i 18/15), Komisija za izbor i imenovanje Općinskog vijeća Ilijaš, pripremila je tekst prijedloga Odluke o izmjeni i dopuni Odluke o visini naknada vijećnicima, članovima stalnih i povremenih radnih tijela Općinskog vijeća Ilijaš ("Službene novine Kantona Sarajevo", br.: 41/07, 7/10 i 44/13), te predlaže Općinskom vijeću Ilijaš, da usvoji predloženu Odluku.

Predsjednik komisije za izbor i imenovanje  
Rasim Šehić, s.r.